

Tuttu

Qallunaatut atia: Rensdyr


Latiinerisut atia: Rangifer tarandus groenlandicus

Tuluttut atia: Caribou; Barren-ground Caribou

Sorlernut ilaava: Nunap miluumasui

Uumasooqatai: Kukiffallit

Ilaqutai: Tuttorsuit



Tuttut Kalaallit Nunaata kitaani avannaanilu ataatsimoortukkuutaarlutik uumasupput. Tuttoqatigiikkuutaat katillugit 12-upput, ilaat qangarsuarli nujuartat, ilaat tuttu nujuitsut nujuartannngorsimasut. Ilaat 1900-kkut qiteqqunneranni Nuup eqqaanut pissunneqarsimallutik. Tuttoqarfiunerpaavoq Sisimiut Kangerlussuullu akornat, 2010-mi eqqoriarneqarluni tamaani 100.000-ingajaassasut.

Ilisarnaatai

Aasakut tuttu meqqui kajortuusarput naavilu sakiaalu qaamanerullutik.

Ukiukut meqqui qasertut kajuartuusarput. Tuttu inersimasut ilisarnaatigaat nassutik. Angutivissat anginerpaanik nassoqartarput.

Nerisai

Tuttu nerisaraat avaalaqissat, naasut assigiinngitsut, ivikkat, pupiit orsuaasallu. Nassuminnik aput assallugu nerisassarsiortarput.

Paasissutissat

Uumaffii: Qaqqat

Takissusia: 200 cm miss.

Tuimigut portussusia: 140 cm tikillugu

Oqimaassusia: 60-160 kg

Nulusarfia: septembari-oktobari

Ataatsikkut erniusut: piaraq ataaseq

Naartusarpoq: qaammatit 7-8

Upernaakut piaqqisarpoq

Nalunngiliuk?

Tuttu angutivissat nukittunerpaat

ukiakut nuliunermik nalaani

arnavissat katersortarpaat, taakkulu

nassummigaallutik angutivissanut

allanut illersortarpaat. Nuliunertik

qaangiukkaangat angutivissat nassutik

katattarpaat. Arnavissat aatsaat

kingusinnerusukut nassutik

katattarpaat.